

柴氏古韻通

序

省軒先生輯錄柴氏古韻通既成以始事鉤考僕與有商摧於是乃授簡而命僕序之僕自惟疏陋無能爲辭然竊欲自附傳書期於垂遠故撫其畧而爲之序曰原夫韻者與聲俱來者也自百物之生罔弗善鳴而人最

受中爰發音響比物連類象生
有滋單乃爲聲比則成韻然則
韻學之興嬋媛自遠歷禩相仍
靡得而廢已黃軒世邈莫可縣
紀降及唐代厥有明哉爛兮之
歌又如九族百姓乃聖乃神一
篇之中往往見韻姬公文詞孔
子彖象多作韻語以便稽疑逮

至商周之際雅頌淳興則全乎以韻行文詩道著矣然習俗漸民既殊浮切而古今之會與之黷移樂府與古詩既殊選詩與樂府仍別浸至齊梁韻押漸密休文所撰遂縣爲不刊之書焉歷代詞家遵爲玉律而古法湮矣予嘗與省軒竊共嗟嘆又觀

宋吳才老械暨明楊用修慎稍
名能通古皆有綴輯葦籥藍縷
擇焉不精世刻因循轉極訛舛
雖高才之士狃於恒見徑幽蹈
冥莫測其源而謏薄者更利其
簡陋据拾自文滔滔之勢不可
復反卽何論於聽泠竹之低昂
驗石律之銖黍哉今省軒旣振

博物之才兼資叩箸之識悼斯
之鬱滯發憤以爲功凡嶠峰句
曲之紀銅棺金錯之銘青鸛玉
馬之謠洛鈴玄珪之識無不曲
引旁蒐錯綜參伍探厥元本斷
歸成例其於本書不盡之義則
別著雜說若干篇以備駁證觀
其摠攬群籍或抽或引詳而不

濫覈而不誣雖云青素遞因而
折衷自我酌注古初功抑勤已
津梁來者其在斯乎嘗疑孔公
刪述六籍於粲而獨畧四聲疑
於有闕今讀三百五篇之作同
聲之譜已默寓無遺自朱氏元
晦注詩及楚辭臆創音叶但取
適口不按古文六書八體幾無

正呼夫字有音義理相互發音
既亡失義亦妨焉是沈氏撰近
韻而古韻微朱氏叶古韻而古
韻亡才老用修雖區區補救而
豹窺蠡測材謝通方微今省軒
氏之書則元音其幾歇絕耶若
夫覽茲編者於以溯皇古之淵
源刊末學之枝盤將六同不墜

八律可興夏擊鏗鏘截然有考
豈徒根柢於辭苑實廼談經之
一鉅碑云錢塘毛先舒謹序

古韻通自序

仁和柴紹炳虎臣氏撰

蓋稽之書云詩言志歌永言聲依永律和聲凡人發言爲詩因制字有韻字本代言韻以諧聲牙舌唇齒喉應於角徵宮商羽故六書之制通於五音尙矣詩者取單出之聲爲成文之音成文應節故獨奏則爲歌合舞則爲樂詩必合樂務先審聲斷章

比什未有舍韻者也卽臯陶五子歌之屬
靡不唱嘆諧協至仲尼所刪三百五篇四
始六義視古加文考其音韻悉有倫要不
妄作也自是代降厥體屢變騷賦箴銘贊
頌哀誄及諸有韻之文皆古詩之流雖稱
別子原本大宗要之依永和聲式歌且舞
豈或舛節哉且周官保氏掌教六書太史
董聲詩漢法學童十七以上試諷籀書課

殿最協律考文相倚而重此其審音分韻
必有成部迨篆隸屢變方言雜糅字繁而
聲駁蓋古韻一書罕得其傳者焉魏晉以
來始尙切韻遂有分部如所傳梁沈約四
聲類譜原仍舊貫而科爲獨併以繩作者
耳唐因之更爲併省曰禮部韻畧設科取
士凡詩賦儷句莫敢軼者迄今學士家奉
爲三尺法然近體操觚畫一良便若以擬

古作者不無立唐虞而用蕭何律遭成周而議叔孫通禮矣故博雅之士元元本本謂宜主許氏說文而滌之古文爾雅庶幾上世元音絡繹可遇先是天寶中陳州司馬孫恂因沈約舊譜廣之曰唐韻其本部古音什收五六而通例無聞至宋渤海吳棫有古韻補闕南鄭樵有七音畧明弘農楊慎有古音轉注及餘錄韻寶拾遺諸編

閩中陳第有毛詩楚辭古音考是皆稽古
發憤有裨來學第轉叶旁通窮幽抉隱而
於通併列部條貫鮮昭辨理諸聲折衷何
昉將數君子承襲舊聞未及研覈抑後人
傳訛附益之過耶僕不揣僭爲更始就唐
韻次第辨其孰可通貫者併爲一條兼引
古詩賦數則畧示證類每部彙孫愐唐韻
錄於首其諸韻旁通者則以前吳鄭楊陳

諸家所集槩黃公紹韻會韓道昭篇海方
日謙小補趙宦光說文長牋梅誕生字彙
吳任臣補遺以至近家諸字書而兼考之
經傳子史訂訛補闕依次斟酌附載於後
該通有據旁叶有徵是編也意者有經有
緯可以成文而不亂歟僕自束髮學爲古
文詞求所爲古韻通貫疑舊本無稽嘗徧
詢老儒高才生未獲曉暢獨毛子先舒大

啓其端剖判同異灼然有見嘗云聲韻之
變宜分三古先秦爲上漢魏爲中晉宋六
朝爲近唐遵吳興譜則今音耳其意欲搜
載籍勒古韻爲三等擬風雅離騷及古歌
謠者取上倣兩京賦頌古詩及建安黃初
體者取中作晉宋以下樂府諸體取近且
易效也校勘差別指甚淡美僕苦欸啟寡
聞又早衰善病不能縷析最精但列其大

都自上古迄六季約畧給使者總爲若干
部命曰古韻通聊以廣之同好或亦飛蟲
弋獲云爾尙有闕遺紕繆敬俟後之君子
補所不逮焉

後序

原夫天籟發於鴻濛元音肇於遂古未剖
伶倫之竹已判濁清豈登倉頡之臺始知
吐屬聲所由來邈乎遠矣逮詩易之道顯
而四聲可尋金石之奏形而五音不雜本
自然之含吐卽是金科有一定之疆隅不
勞玉琯譬之冬裘夏葛自有攸宜北轍南
轅斷難一致故雖黃農以降未有韻書夔

曠之倫亦無聲譜鳴球戛石摠絕傳訛周
雅楚騷從無千紀乃知虞巡協律非能別
創新奇周治同文祇是不差唇吻而已自
文體遞變而古韻微方言雜揉而正聲亂
左古右今變雅徇俗遂使蕭何操律欲繩
虞夏之時史游撰章反議籀斯之體潰防
之故濫觴有由蓋緣歛唇抵齟任其游移
握槩懷鉛甘於蒙混公羊入坐卽唱齊音

謝傅舍毫便依洛詠以致江陽不辨於異
同青侵罔嚴夫開閉曷平無準豈徒雌霓
之訛展轉相因有似許緣之謬凡此糾紛
莫知紀極苟非聽竅北郭孰知呿合之殊
聲辨析黃門誰識爲奇之一部余師同郡
柴夫子悼六朝之後古韻日漓憫三唐以
來切法尤亂乃訂通韻復附正音本因方
以爲珪亦琢雕而還朴高臺曙雪無暇披

襟疎樹春鶯未遑載酒晨書瞑寫廿載於
茲貫昔穿今百家可廢大抵本孫恒之唐
韻綴以旁通就郭璞之音圖參之字母正
韻列其是非淄澠以判梵音斥其刺謬朱
紫攸分可謂韻府之淵巒切家之權度豈
直休文不白之誣藉茲湔洗叔言已墜之
緒賴以振興也哉從此箴銘詩賦動合先
型片語隻詞都無後悔指掌瞭然比屋可

曉尙何梁朝人士謬說癡音高貴鄉公不
知反語自應珍十襲以藏之懸千金而不
易者也此則文殊雖在敢效一言游夏之
徒所宜緘默不圖後序屬之短才自知蠶
酌欲測海而未堪豈有蚊蟲能負山而不
仆然而山腴海錯不必易牙而始嘗黼黻
文章寧待重瞳而知妙不揣蕪詞附於楮
末庶幾魯詩刪就授之端木之家太玄必

傳決於相譚之口云爾

門人陸繁昭百拜撰

柴氏古韻通總目

卷之一

凡例十二條

雜說二十一篇

孫愐唐韻元目

古通韻併部目次

四聲表

四聲表說

平第一部

卷之二

平第二部至第四部

卷之三

平第五部至第十一部

卷之四

上第一部至上第六部

卷之五

上第七部至去第二部

卷之六

去第三部至第十一部

卷之七

入第一部至第四部

卷之八

入第五部至第七部 末附切韻復

古編

古韻通凡例

一古韻通彙無成書余僭爲訂定始於壬辰庚子間麤獲卒業至丁未秋復加重訂於戊申冬乃錄成編凡如干卷因命之曰古韻通而繫以柴氏竊比毛傳鄭箋雖述古而各成一家言也

一孫愐唐韻久已流傳自宋以來更名廣韻以明其異於韻畧耳藝林稱爲古今

集大成余今彙錄悉仍原本雖注釋未
詳不敢以意增竄致溷古人間有闕誤
則以切韻注對校錄之猶之舊貫也

一旁通諸韻所錄采輯衆家頗有訂正然
其間引据畧具指要不能備載以累卷
帙緣是書祇明古韻非爲訓字也若欲
詳悉則有說文諸書在

一附錄旁通必有所據如古詩騷賦及見

他籍者犁然可考其有但列音義不詳
所出亦緣篇海小補字彙諸本所收不
敢輕汰尙俟博雅者擇之比獲吳任臣
字彙補每有增採此則元本淹洽信可
從者矣

一 旁通諸字舊本皆繫切音覽者時苦不
諳今俱查直音注之其無直音者姑仍
舊又切音俱依古法與唐韻今刻謬時

讀華勿誤也

一用韻詩家最嚴他賦頌銘贊不無通廣故余所引證類必首古三百篇及漢魏諸詩無則次及雜體以便省覽

一沈約本宋入齊而卒於梁其所定類譜當齊梁時已著陳隋已後大抵遵行唐則奉爲玉律矣故余考古韻證類起於先秦而齊梁訖焉其間及陳隋者特什

之一二要之六朝尙餘古風三唐全標
近體聲韻之變實運會使然也

一古韻不講爲日已久傳訛襲陋在所而
然予首附雜說二十餘篇反覆言之實
欲與世共相覺寤非敢橫騁私臆矯誣
作者

一旁通附錄原以散見諸家未有定音不
敢輒廁本部近得五音集韻一書原本

陸法言切韻及宋丁度增修而金人韓道昭所重輯者但其部次改併與古不合若字數較孫本倍之今擬就中撿其雅而覈者依次摘錄以補唐韻之闕亦快事也有意未逮姑發其端

一古韻必依古切方免訛讀此事近已失傳多用等韻門法觸處荆棘頃爲討論作切韻復古編附後庶使學古之士有

所是正則表裏條貫矣不敢自名合璧
或亦免於蛇足之誚也

一是書之成旣集先正亦賴同方其間自
辰及申首尾商榷唯毛穉黃先舒之力
居多若能一見好之相爲傳寫兼有協
裨者如吳錦雯百朋孫宇台治張又競
競光顧寧人建炎施尙白閩章黃泰征
彥博吳志伊任臣諸子及門人陸繁昭

徐汾趙一夔許植輩不無助焉若入聲
通部壬辰始定藥陌通證則得諸徐生
汾所考也故并識之

一作者良艱述亦匪易余旣訂古韻不敢
無知妄作然網羅遺漏參伍稽疑就古
成編藉爲定案而家鮮藏書胸無類譜
後先筆記多所闕如以余撫拾曩賢何
致頓忘眉睫耶救過成美端俟來者惠

然教我敢在下風

歲在戊申冬十月虎臣氏記

古韻通雜說卷一

仁和 柴紹炳虎臣 撰

男

世堂胥山

世臺北漢

全校

辨沈約類譜孫愐唐韻禮部韻畧沿

流異同說

今世所行韻本有三種如上平二十八下
平二十九上五十五去六十八三十四其
計二百零六部其次見於孫愐唐韻相傳

是沈約四聲類譜舊目則謂之沈韻其並
百六部之下各有通併如一東獨用二冬
三鍾同用之類屬唐時功令則謂之唐韻
若近刻韻本平上去聲各三十八聲十七
共一百零七部謂之禮部韻畧始於宋景
祐中丁度所修其後平水劉淵復承而併
之是宋非唐又曰孫愐唐韻元本亡傳今
刻是宋重修廣韻而冠以愐序行之蓋士

大夫家名能韻學者其說如此余爲次第
考訂確有所見其實不盡然夫顓譜二百
六部是古韻目所注通併用乃始於約非
唐之功令也若唐人制科用韻又加併省
宋人承用有禮部韻畧之名原本唐制而
小變至廣韻雖宋人重修固卽孫愐舊本
名異而實同耳何以明之魏晉以來業有
韻本二百六部徵於爾雅音圖後先合符

但爲切字而設原不從詩賦作計如李登
聲類周顒四聲切韻大較相同卽顏之推
所譏韻集以成仍誤合爲奇繆分陸法言
所指諸家支脂爲一尤侯俱論並以切脚
之外曷嘗批根作者耶至休文顒譜亦資
反切所須而兼以四聲八病諸論於是就
古韻創爲通併獨用之例蓋宋齊以前聲
韻本寬至梁而去古漸遠押使多窄故其

立法繇疏入密凡約所著詩篇欲身自爲
律如和劉雍州遊沈道士館俱獨用東學
省愁卧獨用微秋夜獨用文登玄暢樓餞
呂僧珍俱獨用侵新安江併用真諄鍾山
併用支脂和謝宣城併用元魂痕冬節後
併用庚耕清昭君詞併用歌戈咏湖中鴈
併用陽唐休沐寄懷併用尤侯華陽先生
登樓併用蕭宵詠月併用灰咍卽平韻比

次觀之此類不啻規規引繩併用者既殊

古格獨用者且絕旁通

如侵韻則風南男三旁通字俱不入

雖沈氏標置亦緣風會使然陳隋以來大抵踵事而唐人一代以詩賦取士遂以類譜爲憲章也顧余又言唐韻與沈譜異同奈何按孫愐所載古目上平二十一殷獨用唐併入真矣下平二十四鹽二十五添同用二十六咸二十七銜同用二十八嚴

二十九凡同用唐則添嚴併入鹽銜凡併入咸矣上十九隱獨用唐則併入軫矣去十四泰獨用十五卦十六怪十七夬同用唐則卦怪夬俱併入泰矣十八隊十九代同用二十廢獨用唐則代廢俱併入隊矣二十四炊獨用唐則炊併入震矣入八物獨用九迄獨用唐則迄併入物矣二十九葉三十帖同用三十一洽三十二狎同用

三十三業三十四乏同用唐則帖業併入
葉狎乏併入洽矣緣沈氏通併不盡者唐
人更加簡括其間亦有義存如殷之併真
不併文也以聲近真不近文也隱之併軫
焮之併震亦猶此也鹽添嚴之併視琰忝
儼同也咸銜凡之併視謙檻范同也泰卦
怪夬之併視佳皆蟹駭同也隊代廢之併
視灰咍賄海同也迄物之併視文吻問同

也葉帖業洽狎乏之併亦視琰忝儼蹀檻
范同也此在摘詞之家與司衡之輩互相
酌劑爲之耳故洪武正韻序謂唐以詩賦
設科嚴聲律之禁因禮部掌貢舉名曰禮
部韻畧其說豈盡無稽耶宋人科舉法與
唐畧同故韻畧亦承而用之但景祐中丁
度修輯其後平水劉淵復加併省故黃公
紹作古今韻會遂承劉本近刻一百七韻

者是矣余嘗細加考訂與唐韻小舛雖部數相似而中有離合焉唐韻泰卦怪夬併今泰卦分爲兩部唐韻逕獨用證嶝併用今逕證嶝合爲一部又殷隱炊併入真軫震今併文吻問當是宋人改作近刻承之耳夫平上去各三十部次第自當條貫如佳皆蟹駭合則泰卦怪夬不宜離青與蒸登迥與拯等離則逕與證嶝亦不宜合若

殷隱炊舊目雖次於文吻問之後而審聲
儷部則併真軫震者爲是也又何以明之
蓋唐人用唐韻比於法家三尺今唐韻失
傳唐詩具在離合同異尙有可徵者如王

昌齡奉贈張荊州則知咸銜凡已併詩以

次韻李洞之贈無可上人律體亦然詩以

杉曉李白秋浦感主人歸燕寄內則

知鹽添嚴已併詩以錢起早渡

淹次韻也

伊川作則知葉帖業已併

詩以涉構
葉紫次韻

他

韻詩雖不概見例此可知然則謂禮部韻
畧創始於宋者非也且唐韻有官韻之稱
李肇國史補言宋濟老於文場試賦誤失
官韻正見宋承唐制耳若玉海言景祐中
修韻畧其窄韻凡十有三聽學者通用之
又法外寬科也至泰卦之合逕證之分更
有明據如孟浩然越中逢天台太子子

詩以

拜邁會怪大外杜甫病栢之作
詩以蓋會

界最屈次韻俱泰卦併用如韋應物義演法師

西齋詩以整徑孟浩然宿來公山房之作

定徑以曉曉俱獨用徑韻未嘗通於證嶮又

杜甫贈鮮于京兆通篇真韻而云及贈王

侍御真韻中有稍李白對雪奉餞任城六

父別真韻中有惜等篇用殷韻俱無闌入文

者隱軫焮震可以顛次當屬宋本之誤無

疑般隱軫誤併毛稗黃先有辨詳載詞細
中顧寧人作唐宋韻辨亦云此平水不知
而作也若泰卦逕證之離合余比始正之
至孫恂取陸法言切韻重訂其目次則仍
沈約類譜通併亦因舊注故序中祇云刊
誤補闕更名唐韻並未言綴入通併新例
也此書唐世盛行至宋景德祥符中重修
但因孫本而訂其訛闕耳故李燾曰孫恂

唐韻大中祥符元年奉勅改賜新名曰廣
韻蓋以別於韻畧而言之余所謂名異實
同者此也世乃云孫本無傳近刻是廣韻
冠以恆序行之豈足信哉故余今所著古
韻通其四聲表祇依唐韻部第古通標次
亦從其併省者而每部彙錄則仍孫本字
數孫本元有四萬二千三百八十三字唐
宋相承但采其畧以便科塲之用於是將

部中字稍僻及並收數處者刪去太半而古音茫然矣然則部第從畧字數從詳折中其間自可並行不悖耳故就三韻沿流同異辨析之以示學者如此

古韻通目次依韻畧說

或問卽唐韻以明古通其分部也自宜直表唐韻次第如首部則曰一東二冬三鍾四江通次部則曰五支六脂七之八微十

二齊十三佳十四皆十五灰十六咍通豈
不使覽者爽然而顧仍韻畧今本僅舉東
冬江居首支微齊佳灰爲次者何歟予以
孫愐唐韻所列二百六部乃是沈約舊目
原已併用故愐書以一東爲首部二冬三
鍾併爲次部如此類其名雖分其實已合
計四聲凡得一百一十有四部與今本次
第不甚相遠也至唐代更加併省爲一百

有七部謂之韻畧故予卽依今本標次庶
使覽者習而易曉焉又如十三元八庚之
類俱稱半通若依次截分則元部當云二
十三元通真文二十四魂二十五痕通寒
剛先庚部當云十二庚通陽十三耕十四
清通青蒸稽諸古詩通叶難以此疆彼界
不若渾稱爲安舉例有徵斯云無弊也此
等具本書試詳之且古人二百六部之分

原爲切韻而設不從詩詞作計沈氏乃就其中科爲獨併以繩作者耳若求古通何事縷析爲哉蓋切韻主分分析則音始精通韻主合合併則例自顯故分者當自百七部而溯之二百有六合者當自百七部而約之爲四十也或分或合各有所宜況今於每部附注原併則古今源委未始不曉然矣

古韻通部第斷限說

余訂古韻通既勒爲四十部又作四聲表以明之首尾條貫爛然可睹已而學者猶或未了則爲先入之言所眩也自昔講於韻學者指不多屈其最著者莫如宋吳才老械著古韻補鄭漁仲樵著六書七音畧及明之楊用修慎著韻經古音轉注諸編三君子皆於古韻多所闡發然細目時舉

大綱未齊以求通貫均爲憐焉如吳氏韻
補目注云江通陽庚青蒸通真侵亦通真
覃咸通刪鹽通先陌通月職通質緝亦通
職葉亦通月夫七音之理由六書生如江
部諸字偏旁皆從工空恩夆丰龍童農春
兕是東冬之屬與陽部本遠通陽於江非
古也余別有辨若庚青蒸與真以毛穉黃
氏六條按之有抵齟展輔之殊於此不辨

豈復言韻若侵是真之閉口覃鹽咸是寒
刪先之閉口故讀音要知鍼非真覃非檀
鹽非延咸非閑比而同之由其口吻溷耳
入部與三聲亦有條理質從真來職從蒸
來職質之不通猶真蒸之不通也月從元
來陌從庚來陌月之不通由庚元之不通
也若緝合葉洽均屬閉口緝從侵來合葉
洽從覃鹽咸來其緝之與職葉之與月如

風馬牛不相及何遽可通乎如鄭畧則云
真文元寒刪先皆當協先東冬江陽庚青
蒸皆當協陽又云魚虞歌麻同協侵覃鹽
咸同協其說似優於吳然亦知一昧二不
可爲恒例也按古韻先部多叶入真如易
以天叶人詩以田年叶人之類何必定從
先其真文互通於寒刪先者間亦有之豈
成法哉故兩部自當區分考之古製斷不

能併如張衡四愁以門冢巾爲韻是真文
通不雜寒刪先樂府君子行以然間冠肩
難餐賢爲韻是寒刪先通不雜真文陸機
塘上行飲馬行獨用一先古詩今日良宴
會張華上巳篇獨用十一真顏延之夏夜
呈從兄作獨用十二文古詩去者日以踈
全用真韻間入一文曹植西北有高樓全
用文韻間入一真然寒刪先真文絕不相

雜故斷以眞文爲一部寒刪先爲一部元
則半通兩屬焉若東冬江自爲一部庚青
蒸自爲一部陽則獨用而庚半通陽此爲
可据詳余類證中鄭云七部皆當協陽卽
以古詩論如小星羔羊草蟲之一十月之
三鳧鷖之一或用東冬江或用庚青蒸未
聞轉從陽聲也至魚虞歌麻古韻間通秦
漢而後不得不分兩然三百篇如莫赤匪

狐羔裘如濡之顙自從魚虞有頰者弁魚
麗於罍之顙自從歌麻亦不必混而一之
也若侵之與覃鹽咸同屬閉口似乎可通
然侵近真覃鹽咸近寒刪先故宜析而二
之考諸風雅騷賦侵多獨用其覃鹽咸可
通者祇南男覃耽三黔潛廉咸凡數字有
本耳如節彼南山終朝采藍亂之初生諸
章自以覃鹽咸爲部並不入侵可徵已鄭

氏之論舉例已見若楊氏韻經所載其謬處每仍吳鄭復以已意亂古韻部第移陽近江移庚近真以侵雜列於真文庚青之間以覃鹽咸雜列於寒刪先之間不知而作殆有甚焉詳辨見於毛氏韻學通指中抑近家談韻稍有同異者或曰庚青通蒸獨用三古以來此居什七然兼通蒸者亦復有之如詩不寧不令百川沸騰楚詞終

剛疆兮不可凌身旣死兮神以靈及李陵
錄別曹植應詔諸篇皆三韻互使不可云
無本或云歌麻尤三部可廢夫三部古音
視今雖別然欲廢本部散廁他韻亦恐未
允如關關雎鳩二章汎彼柏舟一章之類
皆純用尤韻若江有沱考槃在阿之類是
歌獨用若君子偕老之類是歌麻通矣今
學者能斷從何讀析而之他耶或曰唐韻

尤部縷析之侯宜全入魚虞幽則全入蕭
肴豪尤則有人支微齊佳灰者今槩通魚
虞無乃傷混乎夫尤部與支及蕭肴豪或
問通或旁通余已收載其通魚虞者則舉
大凡耳古韻雖祖三百篇而楚漢以降聲
體代變不無與時消息故如或言尤但通
支微齊佳灰而生民之或春或掄或簌或
蹂下武之世德作求成王之孚則顯與魚

虞協矣或言幽部別通蕭肴豪而甘泉賦
之登鳳皇兮翳華芝駟蒼螭兮六素虬則
顯與支協矣以是例之故唐韻業以侯幽
併入尤部而余謂全通魚虞從其多者言
之也且君子依古立法以簡要該通爲尙
毛舉細碎恐難適從矣茲特摭其大畧辨
之如左云

八聲部次異同說

平上去入四聲本相因故十七部之與三十部首尾次第亦若魚貫其間通例有小異者如江陽不通而覺得半通於藥真先不通而屑得半通於質庚青蒸全通庚半通陽而藥陌顧得全通陌乃半通錫職是也然求之正自有故蓋江部入聲爲覺乃陽部入聲亦有爲覺者故江部窄而覺部較廣是異母同子又同產分居江陽俱入

覺是異母同子也陽多入藥少入覺是同
產分居也同產分居當從同異母同子亦
當從同故江陽不通而覺得半通於藥者
此也若質自真來屑自先來真先雖殊部
而古韻先部多轉入真者屑之半通於質
亦猶近古耳至藥承於陽陌承於庚但當
半通乃云全者以古音庚陽相類者止半
藥陌相類者居全因其自然不可強也試

檢兩部中如螭螭舄鞞鞞嘆迄噪格郝索
漆菲霰卻魄啍膝厝噓諸字俱彼此互收
亦足徵其聲文之協矣夫陌通於藥全則
通於職錫宜半譬則嗣子然親所後而降
本生此其誼也四聲首尾雖貫然平爲出
聲之始入爲收聲之終毛稗黃曰江出聲
自東韻而收音微入陽韻但東韻居多而
收陽處稍淺故從東多耳余亦謂出音從

東韻彙故江陽不通收音微近陽故入部
之覺遂與藥相通者半卽先之出聲間轉
於真屑爲收聲遂半通質庚之出聲半通
於陽陌爲收聲乃全通藥亦是物也又若
去入相近俱屬收聲故兩者間通居多如
屋之通宥質之通寘之類不可以平上例
嗚呼古韻之通唯變所適然豈敢無稽而
臆撰哉

古韻通有四例說

古韻無定本余就唐韻而通之其例有四
一曰全通二曰半通三曰間通四曰旁通
全通者如東冬江魚虞尤之類諸韻合一
全部可通者也半通者如元通真文又通
寒刪先覺同屋沃又通藥陌之類一韻兩
屬各分其半者也間通者如東通陽尤通
支蕭通尤麻通魚虞之類間出相通難以

統壹者也旁通者如禽淡本侵而入東韻
用本宋而入冬之類此數字偶通不容牽
合者也全通者古聲本諧無煩轉叶如羔
羊草蟲之通東冬江北風羔裘之通魚虞
兀直任自然耳半通者此疆彼界不得闌
入如元部門昏存尊之類通真文原軒煩
翻之類通寒刪先各有攸屬是矣間通者
兩部自諧未嘗大同如陽通東不及冬江

尤通支不及微齊佳灰麻通魚虞不及歌
蕭通尤不及肴豪之類是矣旁通者此字
偶通不及彼字如禽淡入冬見於易誦用
入冬見於騷雅必有所本始可通入若因
禽淡而欲併侵尋因頌用而欲併宋俸則
謬戾甚矣今之君子多不講韻學憚爲謹
嚴樂於流便每執旁通間通之屬以爲可
以大同若半通又無論已苟能審此四例

以通古韻其庶幾矣乎

古韻間通旁通分部說

間通旁通之例其說如前或疑自分畛域於古通之例有乖焉奈何不知全通者自屬大同間通者故爲側出若欲以陽通東之故而併合冬江又將以陽通庚之故而併合庚矣以尤通支之故而併合微齊佳灰又將以尤通魚虞之故而併合魚虞矣

如此則麻通魚虞尤亦通魚虞蕭通尤肴
豪亦通尤牽引混合所謂江陽不通之說
何以立之防哉或又疑通韻在古當爲一
部就中復有區分於何徵之予謂通韻如
東冬江併用古之詩體然也至於唇吻咀
調自分次第如一東二冬三江之目未嘗
不劃然何者東冬江聲俱穿鼻而讀法不
同東屬合口冬屬撮口江屬開口如東陽

間通則並從合口讀也而冬之撮江之開
不得與焉由此可以例推故魏晉宋齊自
沈韻未立以前原有規繩余已悉言之卽
追溯三百篇韻有獨用不雜以他者姑就
平聲如關雎首栢舟一桑扈三濬哲四之
獨用尤小星首之獨用東猗嗟首蒹葭一
南山二正月首鍾鼓一彼都一公劉一之
獨用陽猗嗟二車攻七之獨用庚天保三

六無羊三綿六之獨用徵澤陂首之獨用
歌素冠首之獨用寒泮水八之獨用侵
其驅使畛域井井故可間通者正不必大
同也其間或有從同者如終南以梅哉叶
裴四月以梅叶尤黍苗以哉叶牛之顛然
亦兼及灰而不能併齊微佳也且載馳四
綠衣三絲衣一氓首巷伯七兕豝二泉水
首皇皇者華三緜三諸章以支尤通者未

嘗聞入他部以是知其可間而不可雜信
矣至於旁通附錄必爲每部斷限例亦準
此雖然居今稽古世代綿邈六書七音傳
聞異詞不得已而從變例以幾審聲蓋言
慎也倘有續爲說文者使字音畫一昭然
大同則旁通之例自可不立將來叔重何
必乏人耶

旁通諸字注音說

旁通諸字原從別部采入其音亦因之而轉如蜉本元部而入東則音融是司馬彪讀縱本宋部而入東則音叢是劉昌宗讀各有所本此當仍舊貫其他如分之叶隆据曹植七啟調之叶同据小雅車攻雖作者不妄而注家向無確讀不得已而以切韻同母之音注之余按古字書音韻轉假原無定母其間四聲互讀大抵同母者居

多如空字平聲爲枯紅切上聲爲苦動切
去聲爲苦貢切同一谿母也去字平聲爲
丘於切上聲爲口舉切去聲爲丘據切亦
同一谿母也惡字平聲爲哀都切去聲爲
烏故切八聲爲遏褐切同一影母也厭字
平聲爲於鹽切上聲爲於琰切去聲爲於
豔切八聲爲益涉切又乙甲切亦同一影
母也以此例推舉一三反想當不遠耳要

頌及禱歌謠間有不可韻者去古遼遠世
亡其音耳如禽之作頌叶窮見於易小象
出之作吹叶來見於王母謠倘轉讀不傳
必訝河漢先古依永和聲定非無本而然
也故如吳棫韻補楊慎古音轉注陳第毛
詩楚辭古音考方日升韻會小補俱網羅
古韻有志發明鼓吹風雅其功不乏而惜
乎義例未精時有舛誤具余別說中推廣

而釐正之尤俟後之君子矣

辨三江七陽不通說

古韻可通者其聲相似也不通者其聲不
諸也若三江古讀是開口工音故通東冬
七陽古讀是合口羊音故通庚未有以三
江七陽通者乃才老韻補用修韻經及近
世諸韻輯於江陽部俱互注云通余初亦
猶疑之友人毛先舒獨斷其非今詳考古

易詩書暨楚騷詞漢魏詩歌往往不合如
書堯典以邦叶雍易師小象以邦叶功詩
草蟲以降叶忡南山以雙叶庸漢江夏謠
以雙叶童晉童謠以江叶龍京雒篇以牕
叶重凡屬三江絕少闌入陽韻其用陽韻
成篇者如漢相如琴歌宋子侯董嬌嬈張
衡同聲歌魏曹丕燕歌行曹植五遊鬪雞
諸篇晉傅玄秋胡行棗據雜詩並屬長調

朱嘗雜三江是知兩韻懸殊古無通轉毛
氏曰江本從工是東之屬卽降幢龐淙諸
字去其偏旁無不從東冬者六義諧聲去
陽實遠斯言得之矣古者江紅通用二字
並音工若漢桂陽太守周府君碑曲江作
曲紅亦其證也或謂江陽互通亦有所本
如吳紫玉歌越河梁歌東方朔七諫漢焦
氏易林周庾信哀江南賦其詞皆三江七

陽首尾相錯何可槩非耶然此誠有之在
往籍中直千百之一二耳固當收之旁通
若欲以是牽合全韻則舛矣且余每部後
附錄旁通原無蕭畫平上去入不妨間出
如執此數條而欲通江陽將据淡禽之入
東而併通侵据誦用之入冬而并通宋一
百七韻不幾混沌無分耶大要江陽兩部
古音實殊不得以一二間出爲通例也雖

然聲音之變其來有自中古間有江陽潞
雜者後乃讀江如姜而中原音韻洪武正
韻遂以三江併入七陽無別要此近代轉
聲豈古音之正哉苟能識此則講養絳漾
及侵真寢軫沁震俱無通例可一以貫之
矣

古今韻有繁簡說

原夫先聖作書不越聲義兩者上古之世

法從簡易故一字常兼數聲亦兼數義至
叶韻亦然大抵牙舌唇齒喉應於角徵宮
商羽畢出爲聲成文爲韻亦唯矢口諧會
和之而和可已如切韻一東二冬三鍾四
江之類細爲區分在古都得通貫又其諧
聲轉假不限一部如真軫震相推歌哿箇
互借蕭篠嘯兼施尤有宥交訓之類如稭
屬

軫又入真振賓屬真又入震駘磨屬箇又
入歌呵婢屬歌又入哿矯紹屬篠又入蕭

要無屬蕭又入嘯九變屬有又入尤無溫
屬尤又入有平上去一字三聲每相通假
亦有轉入聲者後世法繁而科窄先古法
如惡厭之類簡而例寬事類皆然不獨聲韻矣若侵寢
沁緝四韻斷從獨用者以聲出閉口兼齊
齒比於衆音較稱戛戛難相和會此則理
絕旁通古今一致後人不解妄相牽綴者
非也

古今聲文遞變說

夫書家點畫增損此文也呼讀清濁此聲也文之與聲俱隨流遞變如篆隸真行厥體屢創就彼楷法時復遷易今書古文各有通用胥吏簿籍宜從時師儒著述宜古也聲音之變亦緣時俗今字書反切考諸許氏說文多所異同摘詞用韻代有升降如家讀姑通魚虞詵讀怡通支馬讀姥通語麋友讀以通紙之類是稱質古絕乖

字聽至姑轉而入歌怡轉而入魚姥轉而入果以轉而入語音節唱歎稍爲近之又載轉而爲今音則家止入麻說止入尤馬止入馬友止入有卽近代所遵唐韻等於三尺矣然近體詞章當從今韻擬古賦頌不通古音可乎規模驅使正須斟酌時世秦漢而上是爲遠古魏晉以來便稱中葉隋唐而後直云叔末遠古從初讀中葉從

轉呼叔末則今音以今規古固非以中葉而規遠古亦不類也故爲粗陳梗概以便摘詞之家知所遴擇

古人用韻體殊說

蓋依永和聲歌之合節詩詞諧韻其來自古騷賦銘頌流末畧同然疾徐長短體製各殊有通章一韻者如關雎鹿鳴之篇是也有變韻成章者如七月皇矣之篇是矣

有每句用韻者如六月食鬱及薁採之隄
隄之顛及後世栢梁燕歌是也有韻在句
中者如月出猗嗟之顛及後世橘頌招魂
等篇是也有隔句用韻者如秦泰山碑詞
漢王褒洞簫賦亂之顛是也有章內數句
變韻數十句變韻者如楚騷漢賦之屬可
指非一是也有章首用韻而尾聲不拘者
如于嗟麟兮于嗟乎騶虞王后烝哉之顛

是也有間句助語自爲唱歎不在韻例者如樂府董逃上畱田之類是也以是求古篇章無韻者不可強作韻有韻者不可使失韻識曲聽真裁章應律庶幾免妄作之誚矣

辨四五七言用韻差次說

詩家近體用唐韻古體依古韻大要然矣就古體中亦有差次不得濫施如四言本

宗風雅畧近先漢語仆節幽無嫌佶曲魏
晉以還稍就溫潤上口艱澀非其本色也
五言十九首及漢樂府諸篇雖調遠三百
韻超四聲尤虞馬麋給使彷彿晉宋漸革
古音陳隋多遵顛譜厥體旣分用韻宜擇
至七言古源於樂府盛於唐代列樂府者
直溯先程學唐製者俯同近體如擬飯牛
栢梁諸歌古韻可通

飯牛歌
翰薇通
恒梁
歌支微齊佳灰通

倣長安帝京之篇唐韻宜檢

盧照隣長安古意首麻次

職駱賓王帝京篇首元次大要唐人用唐

韻諸家一轍既襲其體宜遵其韻或謂李

杜歌行時見通古何必拘唐然是信筆失

檢非爲恒例如供奉短律間有出韻者如何

人吹玉笛一半是秦聲五月南風起亦將

梅花落敬亭乃八庚九青雜用也曰律可通古耶詩無約法因陋乘便多借

往賢以文其過爲唐體乃言通古爲古而

五國風唇吻豈能盡符而咏歌未嘗質別
甚至歐越侏儻蠻荆駛舌聆其言說絕遠
中州而越語楚書載彼謳謠無間風雅豈
非同文之治不囿方言哉毛氏曰作者用
韻但論古今不分南北余謂方言之近古
者南北俱有之禮失求野未爲無當要不
可謂古音必辨方言且崑以北方爲正耳
或又云北無入聲最爲近古此元人曲家

所爲中原音韻則然以例古音致難畫一
如林有樸檉綠竹如簣冬日烈烈玄王桓
撥諸章皆以入聲連文安得調同元曲又
若北人讀作如早讀息如徒讀食如施而
擊壤歌曰日出而作日入而息鑿井而飲
耕田而食北人讀六如溜讀煥如裕而唐
風曰豈曰無衣六兮不如子之衣安且煥
兮相其結撰不必盡從俗呼是知考詞就

班匪關土語作者所審譬則閉門造車不俟躬歷萬里始能合轍也然則求古通韻者正當以讀書論世爲要何必齎油素而訪方言乃與協律耶抑方言云秦晉之逝齊之徂魯之適均爲往之義也以例古詩未嘗分域如汎汎其逝衛詩也六月徂暑周雅也噬肯適我唐風也但取通訓不諸土音此尤彰明較著者余豈挾恐見破而

師心自是也歟

通韻貴折中說

古人辨韻有理其用韻有體有法畧如前
說必無妄作亦無夸談也近世韻學既荒
其不解者母論乃一二好古君子又過爲
標異未能折中如鄭樵云古無反切平仄
皆通用黃公紹云韻書出於江左本是吳
音學者相沿動資口實不知此等皆非確

見也夫平上去入上世原無此目而依永和聲本出自然漸分次第後來立法較密亦猶八音沿於土鼓耳若平仄互叶或近後世詞曲體然北曲廢入聲作平上去詞則三聲互叶入必畀用古詩歌其體自異分章斷句四聲各自爲韻間有互叶必本有此讀如鄭云卿雲之爲慶雲咎繇之爲皐陶之類此六書通假以慶有卿音咎有

臯音繇有陶音故也夫慶之讀卿見於易
困二小象及白雉詩又磬鼓從咎音也書
厥草惟繇與繇通指顙以明烏容反仄無
準耶或有以齊侯之子一章爲證者夫子
可讀慈卽無妨叶妻妹字出韻正與大夫
夙退句同也若云妹可叶姨將退可叶勞
耶且古詩遠推三百非近體可拘至如屈
宋騷詞章孟諷諫之類實源風雅未祧古

法取而讀之用韻浮切確有畛域此不得
四聲互叶也審矣若類譜雖傳自隱侯然
前此周顒已有切韻又溯之郭璞音圖二
百六部其來已遠非沈氏臆創惡得以吳
音少之余別有詳辨廼說者猶滋反唇倘
以其四聲所彙漸與風騷古音相遠歟抑
思運會所趨匪朝伊夕如風音古作孚金
反入侵而今入東然馬融長笛賦云簫管

並舉金石比隆無相奪倫以宣八風已收
入東矣天音古作汀因鐵明二切入真庚
而今入先然班固西都賦云颼颼紛紛增
繳相纏風毛雨血灑野蔽天已收入先矣
其他能華尤馬之類可用引伸是知聲音
遞變兩漢已然歸獄吳興未爲平允且人
但知約爲吳產遂屬偏音不知約書原仍
舊貫有科併而無大更故由約以前詩篇

具在可以次第引繩如魏曹植筌篲引鰈
鰈篇獨用尤曹丕燕歌行獨用陽晉陸機
塘上行飲馬行獨用先張華上巳篇獨用
真雜詩獨用蒸潘岳河陽作獨用蕭潘尼
迎駕獨用緝殷仲文南州作獨用軫楊若
華贈僧度獨用有宋鮑照東武吟獨用元
代苦熱行獨用微代君子有所思行獨用
月顏延之還至梁城作獨用文謝靈運代

阮瑀詩獨用紙送孔令詩獨用屑憶山中
獨用旱齊謝朓出尙書省獨用薺遊敬亭
山獨用齊和王融獨用屋由此觀之卽沈
譜未行諸韻原有分部約特從而損益釐
次之耳詎紛更舊章矯爲私製哉至約於
靈運傳論所稱玄黃律呂各適物宜浮聲
切響前後精叶妙達斯指始可言文潘陸
曹王曾無先覺此謂音節諧調諷高歷賞

章句瀏亮不徒遣韻獨得也然則顗譜一
編約固未得矜爲秘本人亦烏容橫以臆
創罪之也哉語曰一閔之市必立之平余
亦願折中以持平焉

用韻諦當說

作者要識聲音韻三者之分而後用之諦
當何爲聲平上去入是也何爲音見溪群
疑之顗是也何爲韻一東二冬之部是也

聲立於始音立於中韻要於終然聲以該
韻韻以該音細求其故必字音正而後韻
部諧今全半通者自可按部而得不假申
喻唯間與旁通之類一出入尤宜裁量
在切韻家有正紐旁紐反紐三法正紐者
異聲同母如前所指去惡厭諸字是也其
比通部如東董送屋之類旁紐者卽余所
謂間通如蕭入尤麻入虞而毛氏通指謂

屋承宥質職承寘之顛亦此理也其在每
字轉音如前所指繇又讀陶咎又讀皐之
顛反紐者謂先入真真亦入先侵入蒸蒸
亦入侵之顛如緡音綿亦讀民田音填亦
讀陳是真先可互入如秦風興從音入侵
嬌女詩則音又從菱澄入蒸是蒸侵可互
入也凡如此顛定須考据有本又附錄諸
字雖依古網羅臨文正當詮擇如諷議之

諷作風本小雅遜讓之遜作孫本論語諫
諍之諍作爭本孝經邪僻之僻作辟本禮
記此顛自可給事若婉嬈作眠姁畏栗作
契需慙慙作從臾逸豫作侑悖之顛須連
文並見不可割施又若周田作割申詩商
作誅賞曲紅作曲江神由作神農之顛卽
連文儷句猶當慎之否則恐有三豕沿訛
之累別風淮雨好奇之失焉嗟乎述者謂

明多聞擇善用韻雖小蓋可忽乎哉

辨韻口法宜審說

古韻之流失良由時俗遷移口法不審沿訛習誤視爲故然若非先覺爲之指示後學從而咀尋雖欲復古其道無由矣友人毛穉黃訂韻以六條曰穿鼻東冬江陽庚青蒸是也曰展輔支微齊佳灰是也曰歛脣魚虞蕭肴豪尤是也曰抵齟真文元寒

剛先是也曰直喉歌麻是也曰閉口侵覃
鹽咸是也又舊傳四聲經緯圖亦有六法
曰開口如江寒之屬是也曰合口如東虞
之屬是也曰撮口如冬文之屬是也曰齊
齒如支齊之屬是也曰捲舌如剛是也曰
閉口如侵覃鹽咸是也如毛氏六條則大
綱齊如陳氏六法則細目舉余謂兩家之
論不可偏廢但舉大綱則無以縷析穿鼻

七部猶然相混也但陳細目則無以條貫
古通部若干又何以明之哉故知毛氏六
條則舉穿鼻而東冬江爲一部陽自爲一
部庚青蒸爲一部可按焉知陳氏六法如
東冬同穿鼻也而合口讀之故東爲德紅
切撮口讀之故冬爲居松切如魚虞同歛
脣也而合口讀之故虞爲元俱切撮口讀
之故魚爲語居切且有同字異部者如同

一攻也而合口讀則古紅切入東撮口讀則九容切入冬同一於也撮口讀則央居切入魚合口讀則哀都切入虞凡若此類得失異同皆毫釐千里者也借如閉口四部居殿覃鹽咸之近寒刪先固已侵則近真不近文真文同屬抵齟何以有真無文蓋文是撮口撮閉雖小異不能作兩音也學者能審六條之大又識六法之細且於

切韻編中所謂辨聲捷訣口誦心惟熟諳
有素則古韻離合之故可洞決無疑矣

古音古字宜酌說

稽古臨文必貴博雅溺於俗體近音多怪
少可誠不足道也然音韻所施宜差三古
已具別論可無費詞若字體求正不失古
雅畧如顏氏千祿書之所爲正體足矣本
序曰正者並有憑據可以施著述文章是

也六書之義雖祖於說文然彼自篆書後

代變為楷體或從篆或從籀或從隸槩趨

省便非復古製但求不悖六書之指堪可

雅觀耳故孫愐唐韻雅俗並收其間俚下

破體者固當芟之如恩作念恩作窓蛇作
地夔作覈推作柏之類

亦有古籀諸文如膏庸奧冬畺邦芻宜今

天天羌𡗗丘之類形體詭異使人視

之畧似梵書又同符篆亦為僻也况於吳

王休四子及梁四公子名武壘所撰諸字
詎足法哉近世吳興趙宦光作說文長箋
頗有發明而獨嗜古體字改次今文如文
作𠂔注作、也作毆之作𠂔之類其說未
嘗無本而行墨艱戛使人不可讀亦太苦
已余謂審音欲古而用韻宜調識字貴多
而臨文欲雅劉勰云三人不識幾成字妖
故舉曹攄之詩有褊心惡啗𠂔句以爲篇

累豈可過就奇字以詫藝林耶故如宋之
見於斷竹歌蘇之見於漢饒歌人之見於
王孫賦此等體異近篇未爲駭衆倘制作
典冊詞章爾雅雖易之無作无周官之綱
代殺尙不輕倣倣也作者幸察之

韻書注釋說

凡字書有二種釋字者以體義爲主而音
聲在所兼切韻者以音聲爲重而體義在

所畧然切韻之書雖重音聲其於字義亦當訓釋簡括使人了解若孫愐唐韻本於陸法言撰本其間注釋亦未盡善如兄曰兄弟姊曰姊妹布曰布帛筆曰筆墨之顛則失之畧而混按爾雅曰男子先生曰兄女子先生曰姊說文曰布帛織筆所以書也讀之其義乃悉而連顛並舉誰能別之如訓器物徵引故實訓姓名徵引氏族之

類則失之煩而支按說文北垂也增韻朔
方也又高麗姓釋名鏡有光景也增韻鑑
也如此二字義已了而於北則累舉種族
於鏡則引火齊鏡及甘陵照鏡事何其駢
贅哉如從有二音全屬冬部於從下曰又
卽容切後曰又疾容切則重出矣如醖曰
醖於醖又但曰醖酒其重釀爲醖之義覆
檢未詳則苦晦矣其間亦有謬誤者若戈

曰天授年置法曰襄王法章之後出左傳
是也但以本書收韻爲古今折中其注釋
不遑更次聊爲摭畧以示學者耳繼此唯
黃公紹韻會每字以說文爲主而旁引群
籍訓義精當最稱善本矣惜乎但舉要而
未全耳方氏小補猶未能稱後有君子當
更爲集成焉

古今韻學純駁說

記曰聲成文謂之音傳曰言而無文行之
不遠古人文取諧聲往往用韻不徒詩歌
騷賦爲然也如易小象而外書禮間有韻
文左國諸子亡慮雜出至管子弟子職蘇
秦說秦王中一段史記龜策傳大抵依韻成
章又如每一部中多有疊韻字面如從容
逍遙優游堂皇之類不可勝數卽知古人
語言文字多協音韻爲妙風尙所貴學者

童而習之故無蹊駁不純之累先秦兩漢
頗同此軌然其間亦有雜而未醇者若焦
氏易林劉向列女傳贊之類頗用古韻在
離合之間難以守爲蕭畫耳自六季古音
漸漓學者與時暗移凡樂府詩賦無復風
騷餘响沈約旣著顓譜習近忘遠唐代設
科奉爲玉律尋作五七古亦皆稟焉士大
夫幾不識古韻爲何物其間畱意師古自

命作者若韓柳諸家莖勝然猶未能精且粹也降而南北宋如臨川眉山諸公益以創通自信凡彼押使盡無拘檢謂四聲縱橫可以意叶紫陽大儒注詩騷亦輒稱叶韻不必有本韻學於是滅裂矣明興述作最富漸能復古而聲韻之學猶未大彰如李獻吉吳明卿作五言古俱真侵雜用

憤吳有所思俱誤

不自省覺何大復擬風雅體以

述李

天年叶八一先此三公尙爾又况錄錄者
耶嗟乎古今韻學之輕重純駁其大較可
睹已若宋吳才老古韻補明楊用修古音
轉注諸編陳季立毛詩楚詞古音考方子
謙韻會小補是皆有志復古發明韻學乃
余觀其書俱不能無舛焉才老首勒古韻
勲同筭路而通貫未精科指多溷又騶虞
兩叶貽誤考亭其間濫引唐宋諸家諒難

垂法用修論吳頗洞而刺謬亦多且貪多
夸新時坐不確如以分作粉引佞倖傳以
詹作蟾引十九首考之本文每相齟齬若
斯浪著未易悉舉也季立刻於隻字昧於
通部每就本通之韻別求轉叶過費推尋
不悟其贅又生產閩中讀音不正如南叶
心而云音寧天叶人而云音汀之類俱吐
屬訛謬未足諧聲子謙搜羅葺綴用心良

苦而三家流失均之莫辨且彊分叶讀殊
不合古其於通例旣迷旁引時濫如江陽
牽連庚真雜亂但博收群集胸無鑒裁壘
守輸攻兩有未辦苟欲折衷一是要未敢
許耳嗚呼此四君子者網羅往籍鼓吹藝
林討究其失不能曲護要之功過豈相掩
哉若近刻宣城字彙原主訓義而時及通
韻未免沿訛此則事從同同者也予自揣

固陋遠謝前賢而繼起講求爲力差易又
藉友人匡贊積有歲年稿凡數易今始告
成綱目頭訖粗足論定百世以俟自許不
惑至於徵引挂漏詮次疏畧字體正俗檢
點不盡正望高明補裨耳余豈忽當時子
建而徒俟後世揚雲也哉

孫愐唐韻元目

附切例

上平

東

德紅

第一

獨用

冬

都宗

第二

鍾同用

鍾

職容

第三

江

古雙

第四

獨用

支

章移

第五

脂之通用

脂

旨夷

第六

之

止而

第七

微

無非

第八

獨用

魚

語居

第九

獨用

虞

元俱

第十

模同用

模

莫瑚

十一

齊

徂奚

十二

獨用

佳

古腭

十三

皆通用

皆

古諸

十四

灰

呼恢

十五

哈同用

哈

呼來

十六

真

側降

十七

諄臻通用

諄

章倫

十八

臻

側誼

十九

文

無分

二十

獨用

殷

於斤

廿一

獨當併真

元

愚袁

廿二

魂痕同用

魂

戶昆

廿三

痕

戶恩

廿四

寒

湖安

廿五

桓同用

桓

湖官

廿六

刪

所姦

廿七

山同用

山

所問

廿八

下平

先

蘇前

第一

仙同用

仙

然相

第二

蕭

蘇刀

第三

宵同用

宵

邀相

第四

肴

湖茅

第五

獨用

豪

湖刀

第六

獨用

歌

古俄

第七

戈同用

戈

古禾

第八

麻

莫霞

第九

獨用

陽

與章

第十

唐同用

唐

徒郎

十一

庚

古行

十二

耕渚同用

耕

古楚

十三

清

七情

十四

青

經倉

十五

獨用

蒸

仍煮

十六

登同

登

都滕

十七

尤

羽求

十八

侯幽同

侯

戶鉤

十九

幽

於糾

二十

侵

七林

廿一

獨用

覃

徒舍

廿二

談同

談

徒付

廿三

鹽

余廉

廿四

添同

添

他兼

廿五

咸

湖護

廿六

銜同

銜

戶監

廿七

嚴

語賴

廿八

凡同

凡

符咸

廿九

近本嚴併咸

上聲

董

多動

第一

獨用

腫

之隄

第二

獨用

講

古項

第三

紙

諸氏

第四

旨止同用

旨

職雉

第五

止

諸市

第六

尾

無匪

第七

獨用

語

魚巨

第八

獨用

麋

虞矩

第九

姥同用

姥

莫補

第十

薺

徂禮

十一

獨用

蟹

湖買

十二

駭同用

駭

侯楷

十三

賄

呼罪

十四

海同用

海

呼改

十五

軫

章忍

十六

準用同

準

之尹

十七

吻

武紛

十八

獨用

隱

於謹

十九

獨當併軫

阮

虞遣

二十

混狼同用

混

湖本

廿一

狠

湖壑

廿二

旱

湖箭

廿三

緩用同

緩

湖管

廿四

潛

數板

廿五

產用同

產

所簡

廿六

銑

息典

廿七

獨用同

獮

思淺

廿八

篠

先鳥

廿九

小用同

小

思兆

三十

巧苦卅一獨用

皓湖老卅二獨用

哿古我卅三果同

果古火卅四

馬莫下卅五獨用

養餘兩卅六蕩同

蕩徒朗卅七

梗古杏卅八耿靜同用

耿古幸卅九

靜疾郢四十

迴戶頂四一獨用

拯之度四二等同

等多肯四三

有云九四四厚黝同用

厚湖口四五

黝於糾四六

寢

七稔

四七

獨用

感

古桿

四八

敢同用

敢

古覽

四九

琰

以冉

五十

忝儼同用

忝

他玷

五一

儼

魚掩

五二

賺

下斬

五三

檻范同用

檻

湖曉

五四

范

防險

五五

去聲

送

蘇弄

第一

獨用

宋

蘇統

第二

用同

用

余頌

第三

絳

古巷

第四

獨用

寅

義支

第五

至志同用

至

利脂

第六

志

吏職

第七

未

沸無

第八

獨用

御

侶牛

第九

獨用

遇

具牛

第十

暮同用

幕

故莫

十一

霽

計子

十二

祭同用

祭

例子

十三

泰

蓋他

十四

獨用

卦

賣古

十五

怪夬同用

怪

壞古

十六

夬

快古

十七

隊

對徒

十八

代廢同用

代

耐徒

十九

廢

肺方

二十

震

章

廿一

用 稗同

稗

之

廿二

問

亡

廿三

獨用

炊

香

廿四

併獨震

願

魚

廿五

恩恨 同用

愿

湖

廿六

恨

良

廿七

翰

侯

廿八

換同

換

玩

廿九

諫

晏

三十

用 稠同

稠

覓

卅一

霰

先

卅二

用 線同

線

箭

卅三

嘯

弔

卅四

用 笑同

笑

妙

卅五

效

教

卅六

獨用

號

湖到

卅七

獨用

箇

古賀

卅八

過同用

過

古卧

卅九

禡

莫駕

四十

獨用

漾

餘亮

四一

宕同用

宕

徒浪

四二

映

於敬

四三

諍同用

諍

側迸

四四

勁

居正

四五

徑

古定

四六

獨用

證

諸應

四七

嶝同用

嶝

都鄧

四八

宥

于救

四九

候同用

候

湖邁

五十

幼

伊謬

五一

沁

七鴉

五二

獨用

勘

紺苦

五三

用闕同

闕

濫苦

五四

豔

瞻以

五五

同橋醞

榛

念他

五六

醞

欠魚

五七

陷

簡戶

五八

同鑑梵

鑑

鐵格

五九

梵

泛扶

六十

入聲

屋

谷鳥

第一

獨用

沃

酷鳥

第二

用燭同

燭

欲之

第三

覺

岳古

第四

獨用

質

日之

第五

同術櫛

術

津食

第六

櫛

瑟阻

第七

物

弗文

第八

獨用

迄

訖許

第九

獨今通物

月

厥魚

第十

沒同用

沒

勃莫

十一

曷

葛湖

十二

末同用

末

撥莫

十三

黠

八湖

十四

錯同用

鍤

瞎湖

十五

屑

結先

十六

薛同用

薛

列私

十七

藥

灼以

十八

鐸同用

鐸

落徒

十九

陌

白莫

二十

麥昔同用

麥

獲莫

廿一

昔

積思

廿二

錫先聲廿三獨用

職之翼廿四德同用

德多則廿五

緝七入廿六獨用

合侯廿七盍同用

盍湖臘廿八

葉與涉廿九帖同用

帖他協三十

洽侯夾卅一狎同用

狎湖甲卅二

業魚怯卅三近併葉

乏房法卅四近併洽

古韻通併部目次

平聲十一部

一東二冬

鍾併

三江通

舊注陽非

三江通七

四支

脂之併

五微八齊九佳

皆併十灰

通

六魚七虞

模併

十一尤

侯幽併

通

十一真

諄臻併殷

十二文通十三元

魂痕併

半通

舊注蒸侵非

十四寒

併桓

十五刪

併山

一先

併仙

通十三

元半通

二蕭

併宵

三肴四豪通

五歌

併戈

六麻通

七陽

併唐

獨用八庚

併耕清

半通

八庚九青十蒸

併登

通

十二侵獨用

舊注

侵迥真非

十三覃

併談

十四鹽

併添

嚴凡

十五咸

併銜

凡

通

舊注覃咸通
刪鹽通先非

上聲十一部

一董二腫三講通

舊注講通養非

四紙

旨止併

五尾八薺九蟹

駭併

十賄

海併

通

六語七麌

姥併

二十六有

厚併

黠

通

十一軫

準隱併

十二吻通十三阮

混狠併

半通

舊注軫通梗
迥拯寢非

十四旱

併緩

十五潛

併產

十六銑

併獨

通十

三阮半通

十七篠

併小

十八巧

十九皓通

二十哿

併果

二十一馬

通

二十二養

併蕩

獨用

二十三梗

併耿

半

通

二十三梗

二十四迴

二十五拯

併等

通

二十七寢獨用

舊注

寢通

軫

非

二十八感併敢二十九琰併忝儼三十矦

檻范通舊注感琰疎通銑非

去聲十一部

一送二宋併用三絳通舊注三絳通二

四寘併至志五未八霽併祭九泰併卦怪十

隊併代廢通

六御七遇併暮二十六宥併候幼通

十一震併稕煊十二問通十三願併恩恨

半通

舊注震通
敬徑沁非

十四翰

併換

十五諫

併禡

十六霰

併線

通十

三願半通

十七嘯十八效十九號通

二十箇

併過

二十一禡

禡通

二十二漾

併宕

獨用二十三敬

併靜勁

半

通

二十三敬二十四徑二十五證

併嶺

通

二十七沁獨用

舊注沁通震非

二十八勘

併闕

二十九

豔

併橋

隰

三十陷

併鑑梵

通

併舊注

勘豔陷通

駁非

入聲七部

一屋

二沃

併局

通

三覺

半通

四質

併荷

栴

五物

併迄

通

九屑

併薛

半通

舊注

質通職

糾非

八黠

六月

併沒

七曷

併木

八黠

併鎋

九屑

併通

葉陌
錫非

十藥

併鐸

十一陌

併麥昔

通三覺半通

十二錫十三職通十一陌半通

十四緝獨用

舊注緝通質非

十五合

併盍

十六葉

併帖業

十七洽

併狎乏

通

古韻通四聲表

第一部 獨併俱照唐韻

東 獨用 董 獨用 送 獨用 屋 獨用

冬 鍾併 腫 獨用 宋 用併 沃 獨併

江 獨用 講 獨用 絳 獨用 覺 獨用

按四聲相貫東如公賴貢穀翁翁
屋之類冬如龍隴鐘腫種燭之
類江如江講絳覺腔控颺救之類可
以通推但江部入爲覺而陽部亦有
入爲覺者如莊壯壯新霜爽絨朋之
類又有自看部入者壯壯新霜爽絨
朋之類

衆效學之類蓋江部窄覺部廣故江陽不通而覺半通藥以此

第二部

支

併脂之

紙

併旨止

寘

併至志

○

微

獨用

尾

獨用

未

獨用

○

齊

獨用

薺

獨用

霽

祭併

○

佳

皆併

蟹

駭併

泰

卦怪

○

灰

哈併

賄

海併

隊

代廢

○

按支部如知持奇飢之類入同真微部微肥飛非之類入同文齊部谿雞

妻齊之類入同亦同其佳部如階齊叙
豺之類入同則灰部如開胎孩哀之
類入同寒故不更標入韻目仍舊貫
也若今刻韻畧泰卦分部與佳皆贅
駭併不合非唐韻之舊
特正而併之別有辨

第三部

魚

獨用

語

獨用

御

獨用

○

虞

模併

麌

姥併

遇

暮併

○

尤

併候幽

有

併厚黝

宥

併候幼

○

按魚部如孤枯徒奴之類入同東尤部如

鉤強之類入亦同東如鳩丘之類入
亦同冬故循舊不更標入韻目也

第四部

真

諄臻

軫

準隱

震

稕愀

質

術櫛

文

獨用

吻

獨用

問

獨用

物

迄併

按真部如真軫震質文部如文吻問
物自然條貫不假旁證又屑部與質
物諧聲者什居四五故屑通質物以
此若唐本殷隱歛併真軫震今刻誤
入文吻問故
正之別有辨

第五部

元

魂 痕 併

阮

混 狠 併

願

恩 恨 併

月

沒 併

寒

桓 併

旱

緩 併

翰

換 併

曷

末 併

刪

山 併

潛

產 併

諫

襴 併

黠

鎋 併

先

仙 併

銑

獮 併

霰

線 併

屑

薛 併

按元部如元遠顓月魂混恩沒痕狠
根莖之類寒部如寒旱翰曷桓緩換
活之類剛部如山汕訕殺閑限軒黠
之類先部如仙獮線薛天腴瑱鉉先
鮮選屑千淺蒨切之類條貫井然又
元部與真文蕭聲者什居四五故元
又半通真文
也阮願倣此

第六部

蕭

宵併

篠

小併

嘯

笑併

○

肴

獨用

巧

獨用

效

獨用

○

豪

獨用

皓

獨用

號

獨用

○

按蕭部驕蕭妖饒之類入如陽肴部
交梢包胞之類入如江豪部豪凡刀

陶之類亦入如陽故循
舊不更標入韻目也

第七部

歌

戈併

哿

果併

箇

過併

○

麻

獨用

馬

獨用

禡

獨用

○

按歌部歌珂戈科之類入如陽麻部
嘉牙之類入如剛遮蛇之類入如先
龍癘之類入如元侘索之類入又如
寒其韻較雜故循舊不更標入韻目
也

第八部

陽

唐併

養

蕩併

漾

宕併

藥

鐸併

按陽部如陽養漾藥唐蕩宕鐸條貫
自明不煩旁證至藥與陌古音全部

本諧故
通以此

第九部

庚

耕清

梗

耿靜

敬

諍勁

陌

麥昔

青

獨用

迥

獨用

逕

獨用

錫

獨用

蒸

登併

拯

等併

證

澄併

職

德併

按庚部如庚梗更格竟猛孟陌之類
 青部如丁頂訂的刑婢脛檄之類
 部如登等澄德蒸拯證職之類
 升然至庚部與陽古聲諸者什居四
 五故庚半通陽梗敬倣是又唐韻逕
 獨用證澄併用與青迥蒸拯相貫今
 刻併逕證澄爲一部者非是特
 正而分之證以從唐本別有辨

第十部

侵

獨用

寢

獨用

沁

獨用

緝

獨用

按四聲相貫如侵寢沁緝標目顯然
不煩旁證但此下屬閉口音侵是親
閉口寢是笱閉口沁是親閉口緝是
七閉口也近刻有真侵通者大繆其
下三部可
以類推

第十一部

覃

談併

感

敢併

勘

闕併

合

盍併

鹽

添嚴併

琰

忝儼併

豔

祿釅併

葉

帖業併

咸

併銜凡

賺

併檻范

陷

併鑑梵

洽

併狎乏

按覃部如弁威緝閭覃禪譚杏之類
鹽部如廉飲殲獵鹽琰豔葉之類咸

部如咸賺陷洽凡范梵乏之類四聲
條貫皆當閉口讀始獲正音如呼覃

為桓呼鹽如沿呼
咸為閑則外矣

四聲表說

夫古音代湮俗耳茫昧欲於數千百年後
起而摠齊之似無成說不知聲韻自然可
以仰邇其散見古詩騷賦及經史子籍諸

書亡慮足備證類卽以沈韻部第先後考之而古韻條貫昭然可睹也就平聲言之如東冬鍾江居首而覃談鹽添咸銜嚴凡居殿在休文當日大抵因古成部而標目分類特以已意竄魚虞模於微齊之間不麗於尤侯幽其顛倒止此耳蓋齊梁以來用韻漸窄其於古通猶未訐河漢如東之與冬寒之與山庚之與青真之與文江鮑

徐庾諸公時復通使雖休文身自爲之

詩約

間有用
通韻

至魚虞通尤則晉後絕響支微齊

佳灰合韻爾時漸覺不諧故沈韻旣創立
獨用通併之例又以魚虞模介於微齊使
離而二之移尤侯幽於侵前以爲是當併
用也此休文微意信爲獨契迺於古則害
矣然余因唐韻遡沈韻因沈韻以求古通
惟移魚虞模於尤侯幽之前而支脂之微

齊佳皆灰咍仍令相次其他不煩變更也
至入聲則屋沃燭覺爲一部質術櫛物迄
爲一部月沒曷末黠鐸屑薛爲一部藥鐸
陌麥昔爲一部錫職德爲一部緝爲一部
合盍葉帖業洽狎乏爲一部四聲條貫後
先秩然雖半通者間有遷就而大綱無改
豈非沈韻後先卽古韻之次第哉蓋沈類
譜多爲分部皆仍古切韻之舊有小變而

無大更猶之孫愐唐韻雖增其字數而二百六部其目次仍依沈也故孫之繁者簡之卽孫可以得沈沈之離者合之卽沈可以通古矣故曰苟求其故千歲之日至可坐而定也余既定古韻通凡若干部并列四聲表如右

上平東冬江支微魚虞齊佳灰真真文元元寒寒山

韻表

見弄公江饒規機居拘孤主媽斤均君干官開

溪空腔窺區枯豁因敝看寬怪

群頑蛩奇祈渠衡勤群卷○○○趙

疑屹頤頤疑危魚虞吾倪信○轄兀軒阮

端東冬○○○○都低○○○○○敦單端○

透通終○○○○珍梯○○○○○吞灘湍○

定同形○○○○徒啼○○○○○豚壇團○

泥饒農○○○○奴泥○○○○○磨難湏○

知^{舌上}中○椿知追○豬株○○裡○珍屯○○○○燠

徹
仲傭
癢癢○
○攄
軀○
○概○
聯椿○
○
○
○
○
○

澄
蟲重幢馳椎睡除廚○○
○陳醢○○○○
宅

[illegible]

邦陂𡵓𡵓𡵓通驪頤梧𡵓𡵓𡵓奔𡵓般班

滂
徠○胙披紕○○鋪砒巖
婦肝續粉
○○噴○潘振

[illegible]

明蒙○厖麋彌○○模迷瞋枚民珉○
門○瞞瞞

非風封○○飛○膚○○○分格○○○○

豐峯○○○霏○敷○○○芬翻○○○

奉 馮逢○○○肥○扶○○○○○汾煩○○○

微 晉聲○○○微○無○○○○○文橘○○○

精 賣頭 菱宗 ○貨崔○蛆詠租齋○ 唯 津遵○○○母錢鑽○

清 忽樅○雌嬰○疽趙粗妻○ 崔 親遂○○○村餐揅○

從 叢 琮 ○慈厘○○○徂齊○ 崔 秦鵠○○○存殘攢○

心 蕊 松 ○思綏○胥須蘇西○ 鰓 新苟○○○孫珊酸○

邪 ○松○詞隨○徐○○○○○句○○○○○

照 薑 終鍾○支 苗 ○ 苗 齋○ 蘇 贊○ 蘇 贊○ 蘇 贊○ 蘇 贊○

穿 充衝應 差 吹 衰 ○初樞○○○ 叙 綺 觀 綳 春 ○○○○彈

床 崇○淙舊○○○鋤雛○○○ 豺 ○ 神 歷○○○○○ 有

審

○春雙

新詩

○疏論

○○

○

○

○

○

○

○

○

○

禪

○鱗

○時垂

○蝓殊

○移

○移

○移

○移

○移

○移

○移

○移

○移

曉

烘胃

○機

○希

○訐

○呼

○臨

○希

○灰

○鴉

○○

○○

○○

匣

雄降

○

○

○

○

○

○

○

○

○

○

○

影

信邕

○醫

○伊

○依

○於

○紆

○烏

○○

○○

○○

○○

○○

喻

融容

○

○

○

○

○

○

○

○

○

○

○

來

○半

○龍

○龍

○龍

○龍

○龍

○龍

○龍

○龍

○龍

○龍

○龍

日

○半

○龍

○龍

○龍

○龍

○龍

○龍

○龍

○龍

○龍

○龍

○龍

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

○

合

合

合

合

合

合

合

合

合

合

合

合

下
先
蕭
肴
豪
歌
麻
陽
庚
庚
青
蒸
尤
尤
侵
覃
鹽
咸

韻表

庚

庚

庚

庚

庚

庚

庚

庚

庚

庚

庚

庚

庚

見
牙
勳
堅

涓
曉

交
高
歌
戈

嘉
瓜
獲
剛

光
壯
列
京

經
體
祖
始

鈞
金
弁

鈞
金
弁

鈞
金
弁

鈞
金
弁

溪
愆
牽
羈

敲
尻
珂
科

敲
尻
珂
科

敲
尻
珂
科

敲
尻
珂
科

敲
尻
珂
科

敲
尻
珂
科

敲
尻
珂
科

敲
尻
珂
科

敲
尻
珂
科

敲
尻
珂
科

群
乾
羈
羈

乾
羈
羈
羈

乾
羈
羈
羈

乾
羈
羈
羈

乾
羈
羈
羈

乾
羈
羈
羈

乾
羈
羈
羈

乾
羈
羈
羈

乾
羈
羈
羈

乾
羈
羈
羈

乾
羈
羈
羈

疑
妍
羈
羈

妍
羈
羈
羈

妍
羈
羈
羈

妍
羈
羈
羈

妍
羈
羈
羈

妍
羈
羈
羈

妍
羈
羈
羈

妍
羈
羈
羈

妍
羈
羈
羈

妍
羈
羈
羈

妍
羈
羈
羈

端
顛
貂
刀

顛
貂
刀
多

顛
貂
刀
多

顛
貂
刀
多

顛
貂
刀
多

顛
貂
刀
多

顛
貂
刀
多

顛
貂
刀
多

顛
貂
刀
多

顛
貂
刀
多

顛
貂
刀
多

透
天
桃
養

天
桃
養
佗

天
桃
養
佗

天
桃
養
佗

天
桃
養
佗

天
桃
養
佗

天
桃
養
佗

天
桃
養
佗

天
桃
養
佗

天
桃
養
佗

天
桃
養
佗

定
田
迢
陶

田
迢
陶
駝

田
迢
陶
駝

田
迢
陶
駝

田
迢
陶
駝

田
迢
陶
駝

田
迢
陶
駝

田
迢
陶
駝

田
迢
陶
駝

田
迢
陶
駝

田
迢
陶
駝

泥
年
嬌
猱

年
嬌
猱
那

年
嬌
猱
那

年
嬌
猱
那

年
嬌
猱
那

年
嬌
猱
那

年
嬌
猱
那

年
嬌
猱
那

年
嬌
猱
那

年
嬌
猱
那

年
嬌
猱
那

知^重遭○朝嘲○^麥張○^打貞○微駟○磻○霏詰

微 脰猱超颶○^侘莠○^瞠榿○^怪抽○^琛○^覩○

澄 纏椽昆桃○^茶長○^根呈○^澄儻○^沈○^才城

娘 ○○^鏡○^拏娘○^倬○^惆○^誰○^黏謫

幫^重邊○^鮑包褰○^波巴○^幫訪^兵○^彪○^砭○

滂 篇囷杓胞蔗○^頗葩○^滂烹聘^淋○^桴○^簪○

並 便○^漣庖袍○^婆肥○^傍彭^平○^瓶○^憑漁窠○^躉○

明 懽眠^苗茅毛○^摩○^茫亮^明○^冥○^繆明○^姁○^葵

非^響 ○○^方○^不○^芝

敷 ○○^芳○^飄○^芝

奉 ○○○○○○○○○房○○○○○浮○○○○凡

微 ○○○○○○○○○亡○○○○○謀○○○○瑛

精最 箋鶴焦○槽駐佳嗟將臧○精菁 增精 迥級被簪尖○

清 千詮整○操蹉蓮礦璿倉○清青影秋議使參籤○

從 前全熬○曹醒姓在綺絳○情○精 附精 鯢鯢蟹潛○

心 仙宜蕭○騷娑莎些襄桑○駢星精 脩精 涼心三銘○

邪 涎旋○○○○○斜詳○○○錫○○○囚○○錄○○燭○○

照黃 煙專昭驟○○○精 莊○爭征○蒸精 鄒○精 辭○精 唐漸

穿 穿○恪讓○○○又 創○瑀○○○精 桐○精 觀○精 轄機

床 船○○巢○○○精 牀○儉○○○精 恐○岑○○○曉

1

Q

—

成

猎

炎

1. 謝

1

10



408

管

款

Q

親

短

壇

断

暖

知^{音上}

○累○微○貯○拄○○鋳○○駢○○

微

○竈○襪○○楮○○^尊○○戰○○

澄

○重○豸○○竹○○^肚○○

娘

○○攬○○女○○嫵○○

幫^聲

○玕○幫○七○○補○○^本○

滂

○○掘○○普○○^棚○

並

○玕○被○○簿○○^伴○

明

○螭○^美○^滿○^姥○^買○^浼○^混○^懸○^憑○^滿

非^聲

○^豐○^匪○^甫○^粉○^反○

敷

○^捧○^斐○^撫○^忿○^疲○

奉 ○奉○○○臍○父○○○○○憤飯○○○

微 ○○○○尾○武○○○○○吻晚○○○

精 曹 總○慈○姊○勞○其○祖○濟○摧○宰○榼○○○創○趙○纂

清 ○惚○此○辭○且○取○蔑○泚○唯○采○笱○蹲○○○付○懸

從 從○○○薰○蕊○阻○聚○粗○薺○罪○在○盞○癘○○○縛○瓊○

心 捅○悚○臬○髓○謂○盪○洗○崔○認○凶○笏○○○酒○散○算

邪 ○○○○似○璉○叙○○○○○楯○○○聊

照 正南 腫○止 批 捶○佳 阻 主○○○枳○○○軫○半○○○○○

穿 ○鷲○億○剝 商 撫○ 楚 猓○ 猓 猓○ 猓 猓○ 猓 猓○ 猓 猓○

床 ○○○○士○弛○○○ 紆 猓○○○○○濫○盾○○○○○

上韻

詳

說

巧

詰

詰

詰

詰

養

養

養

養

思

拯

有

有

寂

寂

寂

表次

宋

宋

宋

宋

宋

宋

宋

宋

宋

宋

宋

宋

宋

宋

宋

宋

宋

宋

見

簡

簡

絞

嚮

嚮

果

果

果

果

果

果

果

果

果

果

果

果

果

溪

齟

齟

巧

考

可

頤

頤

頤

頤

頤

頤

頤

頤

頤

頤

頤

頤

頤

群

群

群

群

群

群

群

群

群

群

群

群

群

群

群

群

群

群

群

疑

眼

眼

眼

眼

眼

眼

眼

眼

眼

眼

眼

眼

眼

眼

眼

眼

眼

眼

端

端

端

端

端

端

端

端

端

端

端

端

端

端

端

端

端

端

端

透

透

透

透

透

透

透

透

透

透

透

透

透

透

透

透

透

透

透

定

定

定

定

定

定

定

定

定

定

定

定

定

定

定

定

定

定

定

泥

泥

泥

泥

泥

泥

泥

泥

泥

泥

泥

泥

泥

泥

泥

泥

泥

泥

泥

知^重中墮慧智樹○著註○瘠○^媼○綴鎮飽○○○

徹蟲踵養尿○○絮閑○跽○^黃○恆疾○^斷○○○○

澄仲重轡綴墜○箸任○滯○^鯨○鎗○鎗○^取○○○○

娘○○鬟膩諉○女○○^婦○○○○^取○○○○

幫^{或林}○○○貢庠○○○布^閉○○^蔽貝^蔽背○^散儼○○○奔半

涉○○脹帳譬○○○怖^敝需^敝泮配柿觀○○○噴判

並撻○○備鼻○○○捕^弊旆憊佩什○○○○湓叛

明幪霽忱廢寐○○○^誌基^袂昧^賁妹^賁晦愍○○○閤緹

非^疑誡○○○○沸○付○○○○廢○○奮販○○

敝贈葑○○○費○赴○○○○○肺○○忿番○○

奉 鳳俸○○○腓○附○○○○○吹○○分飯○○

徵 夢縈○○○未○務○○○○○○問萬○○

精蠟縷縷○恣醉○怛足作霽晨○睥載晉儻○○煖贊

清 誌○○次翠○覲娶庖初慕○倅菜親○○○寸策

從 黠從○自萃○○聚祚嘖茲○啐載○○○鉗橫

心 送宋○四遠○楮鈔訴細礪○碎賽信峻○○纖

邪 ○頌○寺遂○苧續○簪○○○貴珣○○○

照正 衆種○柴志○制○療○贊震稭○○○

穿 銑植麗○謔吹○捷政○犁○差桑祀○○○○○

床 剝○渌示○○助○○犁○寨○○酌順○○○○○

審

○

雙

馳帥

疏數

○

世

吸

○

稅

舜

○

○

○

禪

○

○

嗜腫

○

署樹

○

逝

○

○

○

○

○

曉

擊妖

○

賴

戲殺歌

噓煦

譚

○

○

○

○

○

○

匣

哄碛

巷

○

○

○

○

○

○

○

○

○

○

影

瘞雍

○

拾後衣

○

○

○

○

○

○

○

○

○

喻

趙用

○

遺吳

位胃

豫牛

○

○

○

○

○

○

○

來

苦

○

○

吏類

○

○

○

○

○

○

○

○

日

滿

○

○

○

○

○

○

○

○

○

○

○

如口

如口

如口

如口

如口

如口

如口

如口

如口

如口

如口

如口

如口

如口

如口

如口

如口

奉 ○○○○○○○○○防○○○○復○○○○梵

微 ○○○○○○○○○妄○○○○莓○○○○葵○○

精 曹頤 ○箭恡懸○竈佐挫借醬葬精○ 既 增 倣奏浸簪漸○

清 ○蒨縑隋○操○剡跣踣槍倩葩踣趨輳沁諺璽○

從 ○賤泉噍○譜○座藉匠藏淨○贈就踳齟暫潯○

心 ○蔽選笑○燥些臍郢相喪性腥審秀嗽勸三礪○

邪 ○羨漩○○○○○謝○○○○岫○○○鐔○○○

照 孟 弄戰剗照孤○○○ 詐壯 政○證鉞○ 詔 占覽

芽 犀 礎釧覲抄○○○ 瘞創 觀○稱○ 楚 踳懷

床 輓 ○○○巢○○○ 乍 狀○○○○乘 繫 穉○○○僂

知舌上竹床新拈○○○拈替輟芍○摘摘○陟紮○輒割

徹蓄棟連扶眈燈○獬山彼惹○痛甌○救洽○睡睡

澄還躅濁秋○○○木咤輟○箸○宅擲○直蟄○濕濕

孌胸俾出○○○匿納疾納○造○糊○匿匿弄○聶媼

幫五唇卜保制筆○不彬捌筋驚○博伯碧壁北過北鷗○鷗○

滂扑鞞璞拂○○○匹醇潑八擎○○柏拍訖霹揭○○○訖妖○

並暴僕電邪○○○邪勃跋拔別蹙○薄白擗甃復駟○○○

明木瑁選密○○○密沒葛葛葛葛○○○莫陌○○○覓覓密○○○

非唇福夕○○○弗契○○○轉○○○○○○○○○法

敷覆○○○拂拂○○○○○霽○○○○○○○○○疋疋

奉 伏幙○○佛伐○○○○縛○○○○○乏

微 目媚○○物轂○○○○○積績則喋而接○

精 賣銀足○卒○卒○蟹蔬爵作○積績則喋而接○

清 疾促○七○猝○切騰鵲錯○吳威撼緝趁妾○

從 族宋○疾○梓○截絕騰昨○籍寂望集雜旋○

心 速風○邨○宰○肩雪削索○昔錫塞韞跋熒○

邪 ○續○○○○度○○○席○○○習○○○

照 燭捉○札○皆拙○責○責○曷○曷○

穿 似規鍊○利○利○掣歎綽○策尺○測屈○諸插

床 ○所泥○○○鋤舌○蛆○射○食○錢○○蹇

切韻編

韻表

古

審

宿數

朔望

○ ○ ○ 殺

設說

燥

○ 棟

釋

○ 色

麗

○ 攝

嬰

○

禪

熱

蜀

○ 崇

○ ○ ○ 啜

○ 灼

○ ○ 石

○ 寔

什

○ 涉

○

曉

齊

煥

○ 於

飲

○ 願

○ 聘

○ 娶

○ 舍

○ 諸

○ 腫

○ 赫

○ 航

○ 欬

匣

穀

鵠

○ 學

○ 騎

○ 拊

○ 紇

○ 活

○ 預

○ 頰

○ 穴

○ 獲

○ 潤

○ 嚴

影

屋

沃

○ 渥

○ 乙

○ 乙

○ 屢

○ 幹

○ 軋

○ 絢

○ 約

○ 瑟

○ 危

○ 益

喻

育

○ 欲

○ 逸

○ 曰

○ 越

○ ○ 批

○ 悅

○ 藥

○ 獲

○ 鳴

○ 役

○ 域

○ 州

來

半

○ 祿

○ 榮

○ 救

○ 刺

○ 列

○ 劣

○ 畧

○ 勝

○ 似

○ 剝

○ 靈

○ 勒

口

半

○ 肉

○ 辱

○ 日

○ ○ ○ 髻

○ 熱

○ 蒸

○ 若

○ ○ ○ 日

○ 入

○ 辭

○

口

口

口

口

口

口

口

口

口

口

口

口

口

口

口

口

口

轉音

庚寒

真先

文元

侵鹽

魂桓

此圖聲字

圖

改平韻表

見香

庚干

巾堅

君健

金兼

昆官

角

純清

溪

鏗看

慕牽

歐囑

欽謙

坤寬

角

次清

群

○○

勤乾

群卷

琴黔

○○

角

純濁

疑

擎豸

銀妍

轄元

吟嚴

俚岷

角

次濁

端
音頭

○丹

○顛

○○

○髻

敦端

微

純清

透

○灘

○天

○○

醯添

醇湍

微

次清

定

○壇

○田

○○

○甜

豚團

微

純濁

泥

○難

○年

○○

○拈

磨濡

微

次濁

知_重

打○

珍遭

○○

砧霑

○○

徵

純清

微

瞠○

獺脰

○○

琛覘

○○

徵

次清

澄

棖○

陳纏

○○

沈訥

○○

徵

純濁

娘

倅○

紉○

○○

誑黏

○○

徵

純濁

幫_惡

枋○

彬邊

○○

砭砭

奔般

官

純清

滂

烹○

殍篇

○○

籊籊

噴潘

官

次清

並

彭○

貧便

○○

○○

盆盤

官

純濁

明

甍○

民懣

○○

○○

門瞞

官

次濁

非_聲

○○

○○

分蕃

○○

○○

官

純清

敷

○○

○○

芬翻

○○

○○

官

次清

奉

○○○汾煩○○○宮純濁

微

○○○文構○○○宮次濁

精
齒

精箋津箋○○○侵尖尊鑽商純清

清

清餐親干○○○侵籤村撤商次清

從

情殘秦前○○○鮐潛存攢商純濁

心

駢珊新仙○○○心銛孫酸商次清

邪

錫○○誕○○○尋煇○○○商純濁

照
齒

爭○○真饒○○○簪磨○○○商純清

穿

琤○○瞋穿○○○參礚○○○商次清

床

鎗○○神船○○○岑○○○商純濁

審 生○ 申○ 𧈧○ 淡○ 苦○ 商○ 次清

禪 ○○ 辰○ 鋌○ 謚○ 蟾○ 商○ 純濁

曉曉音 亨○ 頊○ 欣○ 嗎○ 薰○ 軒○ 欽○ 杌○ 昏○ 歡○ 羽○ 次清

匣 行○ 寒○ 磻○ 賢○ ○○ 嫌○ 魂○ 桓○ 羽○ 純濁

影 鶯○ 安○ 因○ 焉○ 氤○ 鴛○ 音○ 淹○ 溫○ 剋○ 羽○ 純清

喻 宏○ 寅○ 延○ 雲○ 袁○ 淫○ 鹽○ ○○ 羽○ 次濁

來來音 令○ 蘭○ 隣○ 連○ ○○ 林○ 廉○ 論○ 鑾○ 變○ 徵○ 次清

日日音 穰○ 人○ 然○ ○○ 壬○ 髡○ 肢○ 變○ 官○ 次濁